

Գործընկերություն
հանուն Սյունիքի



Հայկական Կարիտաս
Armenian Caritas

**Գործընկերություն հանուն Սյունիքի.
բարելավված համայնքային սոցիալական ծառայություններ
ԱՐԴՅՈՒՆՔ 2**

**ԵՆԹԱԴԻՐԱՄԱՇՆՈՐՀԱՅԻՆ ԾՐԱԳՐԻ
ԴԻՄԵԼՈՒ ՈՒՂԵՑՈՒՅՑ**

**Կայուն սոցիալական ծառայություններ Սյունիքի մարզի
համայնքներում**

ՆԱԽԱԲԱՆ

ՀՀ Սյունիքի մարզում կայուն սոցիալական ծառայությունների համակարգը զարգացնելու և կարիքահեն սոցիալական ծառայություններ մատուցելու նպատակով ԵՄ ֆինանսավորմամբ ընթացող «Գործընկերություն հանուն Սյունիքի. բարելավված համայնքային սոցիալական ծառայություններ» ծրագիրն աջակցում է ՀՀ աշխատանքի և սոցիալական հարցերի նախարարությանը՝ ոլորտային բարեփոխումների իրականացման գործընթացում: Ծրագիրն աջակցում է համայնքային իշխանությունների կողմից տրամադրվող ժամանակավոր դրամական աջակցության և կարճաժամկետ սոցիալական ծառայությունների համակարգից անցմանը դեպի համապարփակ և դիմակայուն համակարգ, որը կհանգեցնի համայնքային սոցիալական ծառայությունների կայունությանը, այդ թվում նաև ֆինանսավորման տեսանկյունից՝ նպաստելով անհավասարության և խոցելիության մակարդակի նվազմանը:

Ելնելով վերոնշյալից՝ «Մարդը կարիքի մեջ» կազմակերպությունը հայտարարում է «**Ֆինանսական աջակցություն երրորդ կողմին**» (FSTP) ենթադրամաշնորհային մրցույթ: Այն նպատակ ունի բարելավելու տեղական ինքնակառավարման մարմինների (այսուհետ՝ ՏԻՄ) կարողությունները, ինչպես նաև նպաստելու տեղական քաղաքացիական հասարակական կազմակերպությունների (այսուհետ՝ ԶՀԿ) և մասնավոր հատվածի հետ նրանց համագործակցությունը՝ ի նպաստ համայնքների խոցելի խմբերին տրամադրվող կարիքահեն, նորարար և արդիական սոցիալական ծառայությունների ստեղծմանն ու զարգացմանը:

Ենթադրամաշնորհային մրցույթի հիմնական նպատակն է հնարավորություն տալ Սյունիքի մարզի խոշորացված համայնքներին ստեղծել նոր և/կամ վերանայված կարիքահեն սոցիալական ծառայությունների տրամադրման համակարգ՝ ըստ ստորև ներկայացված ենթադրամաշնորհի նկարագրի՝ հիմք ընդունելով նաև համայնքային սոցիալական ծրագրերի առաջնահերթությունները:

Ենթադրամաշնորհի նկարագիր. նոր և/կամ վերանայված սոցիալական ծառայություններ. ենթադրամաշնորհներ Սյունիքի մարզի խոշորացված համայնքների համար, որոնք նպատակ ունեն կյանքի կոչել ԶՀԿ-ների, ինչպես նաև մասնավոր բիզնես համայնքի ներկայացուցիչների հետ համագործակցությամբ:

Ենթադրամաշնորհային այս ծրագրին կարող են դիմել Սյունիքի մարզի խոշորացված համայնքների համայնքապետարանները:

Սոցիալական ծառայություններ առաջարկելիս անհրաժեշտ է հաշվի առնել, թե արդյոք տվյալ համայնքում այդ ծառայություններն արդեն արտապատվիրակված չեն պետության կողմից կամ չեն իրականացվում այլ ենթադրամաշնորհային ծրագրերի շրջանակում:

Առանձնահատուկ ուշադրության կարժանանան այն ծրագրերը, որոնց իրականացումը ենթադրում է համայնքապետարանների համագործակցությունը ԶՀԿ-ների, մասնավոր կառույցների, ՊՈԱԿ/ՀՈԱԿ-ների հետ՝ դրանով իսկ ուժեղացնելով վերջիններիս կարողությունները և ապահովելով որակյալ ծառայությունների ստեղծում և բարելավում,

ինչպես նաև ֆինանսավորման ավարտից հետո ծառայությունների որակյալ շարունակականության ապահովումը:

Առանձնահատուկ ուշադրություն կդարձվի այն ծառայություններին՝ որոնք կմատուցվեն գյուղական, սահմանամերձ բնակավայրերում:

Անհրաժեշտ է նաև նկատի ունենալ առաջարկվող սոցիալական ծառայությունների, գործողությունների կայունությունը՝ ինչպես ֆինանսական, այնպես էլ ինստիտուցիոնալ տեսանկյունից՝ հաշվի առնելով, որ դրանք պետք է ունենան կայունության ապահովման հստակ մեխանիզմներ նաև ծրագրի ավարտից հետո:

- ✓ Ֆինանսական կայունությունը ժամանակի ընթացքում եկամուտներ և շահույթ ստեղծելու և կառավարելու, ֆինանսավորման աղբյուրները դիվերսիֆիկացնելու (սոցիալական ձեռներեցության, կորպորատիվ սոցիալական պատասխանատվության, պետական դրամաշնորհների, այլ դոնորների, հովանավորների, տեղական ինքնակառավարման մարմինների հետ պարտավորություններով և այլ միջոցներով), շահագրգիռ կողմերի հետ ամուր գործընկերային կապերի պահպանման (դոնորների, աջակիցների, կամավորների և շահառուների) և ֆինանսական կառավարման թափանցիկության ու հաշվետվողականության ապահովման կարողությունն է:
 - **Առաջարկվող ծրագիրը պետք է պարունակի համաներդրում առաջարկվող ծրագրի բյուջեի առնվազն 15 %-ի չափով:**
 - **Ծառայությունների շարունակականությունը ապահովելու նպատակով, առաջարկվող ծրագիրը պետք է ներառվի այս և հաջորդ հաշվարկային տարիների համայնքային բյուջեում, որի նպատակով պետք է իրականացվեն հետևյալ գործողությունները՝**

1)Ստեղծել կամ ընդլայնել համայնքային ենթակառուցվածք, որը պետք է լինի պետական գրանցված կազմակերպություն: Վերոնշյալը կլինի նաև պայմանագրային* պահանջ (*Պայմանագրի նմուշը կցված է փաթեթին)

ԿԱՄ

2)Ներկայացնել համայնքի ավագանու կողմից որոշում, ինչպես նաև տեղեկանք համայնքի ղեկավարի կողմից առաջարկվող ծառայությունը/ները համայնքային զարգացման պլաններում ներառման (բացակության դեպքում) և համապատասխանաբար բյուջետային հատկացումների պատրաստակամության մասին:

- ✓ Ինստիտուցիոնալ կայունությունը ժամանակի ընթացքում կազմակերպական կարողությունները և մշակույթը զարգացնելու և պահպանելու, թիմային հմտությունները, մոտիվացիան և նվիրվածությունը բարձրացնելու և պահպանելու, ինչպես նաև սոցիալական ծառայությունների տրամադրման շարունակական հոսքի և որակի ստանդարտների ապահովման կարողությունն է:
 - **Կարևոր է նկատի ունենալ, որ առաջարկվող ծրագրային գաղափարը պետք է քննարկվի և հաստատվի համայնքում «Գործընկերություն հանուն Սյունիքի. բարելավված համայնքային սոցիալական ծառայություններ» ծրագրի**

**շրջանակում Սյունիքի մարզի խոշորացված համայնքներում ստեղծված
Սոցիալական Հանձնաժողովների կողմից:**

Հայտատուները կարող են ներկայացնել մի քանի առաջարկ/գաղափար, սակայն հաղթող կճանաչվի միայն մեկը: Հայտատուները կարող են դիմել նաև կոնսորցիումով, որը բաղկացած կլինի առնվազն 2 համայնքապետարաններից՝ սոցիալական ծառայությունների համատեղ տրամադրումը և ծախսերի արդյունավետությունը կառավարելու և ապահովելու ռեսուրսների նպատակային օգտագործումը: Ընտրվելու պարագայում մինչև պայմանագրի կնքումը՝ հայտատուն պետք է ներկայացնի նաև կոնսորցիում գործընկերների միջև կնքված հուշագիրը՝ ներառելով գործողությունների կատարման ժամկետները և պատասխանատուներին:

Ակնկալվում է ֆինանսավորել 2 կամ 3 ենթադրամաշնորհային ծրագիր՝ յուրաքանչյուրը առնվազն 40,000 եւ առավելագույնը 70,000 եվրոյի համարժեք ՀՀ դրամ ֆինանսավորումով:

Ենթադրամաշնորհները տրամադրվելու են բաց մրցույթի միջոցով:

Դռնոր՝ Ֆինանսական միջոցները տրամադրվում են Եվրոպական միության կողմից ֆինանսավորվող «Գործընկերություն հանուն Սյունիքի. բարելավված համայնքային սոցիալական ծառայություններ» ծրագրի շրջանակում:

Իրականացնող կազմակերպություն՝ «Մարդը կարիքի մեջ» ՀԿ

Գործընկերներ՝

«Հայկական Կարիտաս» բարեսիրական հասարակական կազմակերպություն,
«ՎԻՆԵԹ Գորիս» զարգացման հիմնադրամ

Թիրախ համայնքներ՝ Սյունիքի մարզի Կապան, Քաջարան, Մեղրի, Գորիս, Սիսիան, Տաթև և Տեղ խոշորացված համայնքներ:

1. Ոլորտային առաջնահերթություններ

Սյունիքի մարզում առաջարկվող սոցիալական ծառայությունները պետք է համահունչ լինեն համայնքային զարգացմանը, ինչպես նաև համայնքային սոցիալական ծրագրերին և ուղղված լինեն սոցիալական խնդիրների լուծմանը՝ հիմք ընդունելով մարզում իրականացված [հրավիճակային վերլուծության](#) արդյունքները և ոլորտային դերակատարների ու շահառուների կողմից ներկայացված կարիքները:

Հաշվի առնելով վերոնշյալը՝ սոցիալական ծառայությունների տրամադրման առաջնահերթ կարիքներն են.

- Հոգեկան առողջության խնդիրներ ունեցող անձանց սոցիալ-հոգեբանական, սոցիալ-վերականգնողական, ինքնագբաղվածության, սոցիալական սպասարկման, մասնագիտական խնամքի ծառայություններ ցերեկային կենտրոնում, այդ թվում նաև շարժական ծառայությունների տրամադրման միջոցով:
- Հաշմանդամություն ունեցող անձանց անկախ կյանքի կենտրոնների ստեղծում կամ անկախ կյանքին ուղղված ծառայությունների ներդրում:

- «Սոցիալական տաքսի» ծառայության ներդրում, որի նպատակն է՝ խոցելի խմբերի փոխադրման կազմակերպում՝ նրանց անհրաժեշտ սոցիալ-վերականգնողական, սոցիալ-տնտեսական, սոցիալ-հոգեբանական, սոցիալ-մշակութային, ինչպես նաև իրավական խորհրդատվության ծառայությունների տրամադրման վայրեր, այդ թվում՝ գյուղական բնակավայրերից դեպի քաղաքային համայնքներ, մարզկենտրոն կամ մայրաքաղաք: Ծառայությունը ենթադրում է նաև հարմարեցված փոխադրամիջոց և վերապատրաստված անձնակազմ՝ հաշմանդամություն ունեցող անձանց արժանապատիվ փոխադրումն ապահովելու համար:
- Այլ ծառայություններ, որոնք ուղղված են կյանքի դժվարին իրավիճակում հայտնված խոցելի խմբերի կարողությունների զարգացմանը, հասարակություն ինտեգրմանը, կյանքի դժվարին իրավիճակի հաղթահարմանը, ինչպես նաև հիմնավորված են համայնքային կարիքներով:

2. Ժամանակացույց

- Հայտերի ընդունման մեկնարկ՝ **փետրվարի 28, 2025**
- Տեղեկատվական հանդիպմներ՝ **մարտի 5, մարտի 11, 2025**
- Հայտերի ընդունման վերջնաժամկետ՝ **մարտի 16, ժամը 23:59**
- Դրամաշնորհային մրցույթի արդյունքների մասին ծանուցում՝ **մարտ 2025**
- Դրամաշնորհային պայմանագրերի կնքում՝ **ապրիլ 2025**
- Ենթադրամաշնորհի շրջանակում նախատեսված աշխատանքների իրականացման ժամկետ՝ **8ամիս**

Նախնական ընտրված թեկնածուների փիթչինգը և ընտրող հանձնաժողովի այցելությունները* կիրականացվեն ըստ անհրաժեշտության՝ Ընտրող հանձնաժողովի որոշման հիման վրա:*

**Փիթչինգը ենթադրում է ծրագրային առաջարկի ներկայացման գործընթացը Ընտրող Հանձնաժողովին և ներառում է դրա համապատասխանության, ազդեցության, իրագործելիության և առաջնահերթություններին համապատասխանելու կարևոր կողմերի ընդգծումը՝ որպես ընտրության գործընթացի մաս:*

**Այցելությունների շրջանակում կդիտարկվեն նաև վերանորոգման կամ շինարարական աշխատանքների նպատակայնությունը/ծախսարդյունավետությունը՝ այդպիսիք լինելու պարագայում:*

3. Ընդունելի եւ անթույլատրելի ծախսեր ու գործողություններ

3.1 Ընդունելի ծախսեր

Այս սխեմայի շրջանակում իրավասու գործողությունները ներառում են, բայց չեն սահմանափակվում հետևյալով.

- Կապիտալ ներդրումներ ենթակառուցվածքներում
- Սարքավորումներ կամ տրանսպորտ սոցիալական ծառայությունների զարգացման համար

- Տեխնիկական և կառավարման հմտությունները բարելավելու նպատակով կարողությունների զարգացում հիմք ընդունելով նաև առաջարկվող ծրագրով մատուցվելիք սոցիալական ծառայությունների համար անհրաժեշտ հմտությունների բարելավումը:
- Տեխնիկական անձնակազմի/փորձագետների ներգրավման հետ կապված ծախսեր՝ հատուկ ծառայությունների մատուցման համար
- Անկախ հրավիրված փորձագետների/խորհրդատուների/մենթորների ներգրավում (հիմնավորված լինելու դեպքում)
- Ծախսեր (փոքր ծավալի վերանորոգում կամ շինարարություն)՝ կապված հատուկ կարիքներով մարդկանց (հաշմանդամներ, տարեցներ և այլն) համար մատչելիության ապահովման հետ
- Առաջին տարվա գործառնական ծախսեր

Բոլոր ծախսերը պետք է լինեն հիմնավորված

Ծախսեր, որոնք չեն կարող պահանջվել որպես դրամաշնորհի մաս, բայց կարող են ներառվել որպես հայտատուի համաֆինանսավորում.

- Արտոնագրեր, հավատարմագրում կամ հատուկ թույլտվություններ ստանալու հետ կապված ծախսեր
- Արձանագրությունների վարման և մշտադիտարկման հետ կապված ծախսեր

3.2 Անթույլատրելի ծախսեր

- Պարտքեր և պարտքի սպասարկման վճարներ (տոկոսներ)
- Կորուստների, պարտքերի կամ ապագա հնարավոր պարտավորությունների տրամադրում
- Շահառուի(ների) կողմից հայտարարված և Եվրոպական միության կողմից ֆինանսավորվող մեկ այլ գործողության կամ աշխատանքային ծրագրի կողմից ֆինանսավորվող ծախսեր (ներառյալ Եվրոպական զարգացման հիմնադրամի միջոցով)
- Հողամասերի և շինությունների գնում
- Արտարժույթի փոխարժեքի կորուստներ
- Երրորդ անձանց տրվող վարկեր
- Բացառյալ ներդրումներ (բացառությամբ կամավորների աշխատանքի)
- Պետական վարչակազմերի անձնակազմի աշխատավարձի ծախսերը, եթե այլ բան նախատեսված չէ հատուկ պայմաններում և միայն այնքանով, որքանով դրանք վերաբերում են գործունեության արժեքին, որը համապատասխան պետական մարմինը չէր իրականացնի, եթե գործողությունը չձեռնարկվեր
- Անձնակազմի ծախսերում ներառված բոնուսներ
- Բանկերի կամ ֆինանսական այլ հաստատությունների կողմից գանձվող բացասական տոկոսներ
- Ցանկացած անձնական ծախս (օրինակ՝ տեղական կամ միջազգային ճանապարհածախս)
- Անհատական հովանավորություն
- Քաղաքական կամ կրոնական գործունեություն
- Շրջակա միջավայրի համար վնասակար նախագծեր

4. Գնահատման չափանիշներ

4.1. Հայտերը կընտրվեն ծրագրի շրջանակում ձևավորված Ընտրող Հանձնաժողովի կողմից հայտադիմումների գնահատման և այնուհետև քվեարկության միջոցով՝ ըստ ստորև նշված չափանիշներին տրված կշռի (անցողիկ կշիռ՝ 70 և ավել %) և այնուհետև փիթքինգի և այցելությունների արդյունքների հիման վրա:

Ընտրող Հանձնաժողովը բաղկացած կլինի Ծրագրային թիմի, կոնսոցիում գործընկերների, պետական և տեղական ինքնակառավարման մարմինների ներկայացուցիչներից:

N	Չափանիշ	Միավոր (%)
1	Կարիքի հիմնավորում Ներկայացվող խնդրի կամ իրավիճակի մասին համապարփակ պատկերացում և թիրախ կամ շահառու խմբ(եր)ի կարիքների վերաբերյալ փաստահեն տվյալների նկարագրություն՝ հաշվի առնելով նաև գյուղական և սահմանամերձ բնակավայրերում առկա կարիքները սոցիալական ծառայությունների տեսանկյունից, որը հաստատված կլինի տվյալ խոշորացված համայնքում գործող Սոցիալական Հանձնաժողովի (ՍՀ) կողմից առաջարկվող լուծում և առաջարկի համապատասխանությունը վերը նշված առաջնահերթություններին:	15
2	Կարողություններ ու ռեսուրսներ Ծառայության տրամադրման համար կարողությունների ու ռեսուրսների առկայություն, ներառյալ անձնակազմ, ներգրավված փորձագիտական ներուժ, նյութատեխնիկական բազա և այլն (վերաբերելի է ծրագրի ողջ ընթացքում ընդգրկված բոլոր կողմերին):	10
3	Գործողությունների նկարագրություն եւ մեթոդաբանություն Տրամադրվող ծառայության նկարագրություն, շահառու խմբերի ներգրավման պլանի հստակություն, ծառայության հասանելիության և մատչելիության դրույթներ, ռիսկերի հաղթահարման և համապատասխան լուծումների ներկայացում,	15
4	Ազդեցություն Առաջարկվող ծառայության ազդեցություն շահառուների կյանքի որակի, կենսական մակարդակի, իրազեկվածության, ինտեգրման և/կամ նրանց իրավունքների պաշտպանության վրա, այդ թվում նաև հաշվի առնելով շրջակա միջավայրի վրա ազդեցությունը և կայունությունը	10
5	Համագործակցություն Առաջարկվող ծառայության մատուցման գործընթացում շահագրգիռ կողմերի հետ համագործակցության հստակ մեխանիզմի ներկայացում:	10
6	Կայունություն Առաջարկվող սոցիալական ծառայության շարունակականության և կայունության մեխանիզմներ ծրագրի ավարտից հետո, այդ թվում նաև համայնքային տարեկան բյուջեում ներառման հնարավորություն:	25
7	Բյուջե	15

իրատեսական և հիմնավորված ֆինանսական առաջարկ (բյուջե), այդ թվում նաև համաֆինանսավորման հնարավորություն ծրագրի բյուջեի առնվազն 15 % ի չափով:	
Ընդամենը	100

4.2. Առաջարկները պետք է.

- Լինեն համապատասխան (պարունակեն հստակ նկարագրություն խնդրի, թիրախ խմբերի կարիքների և դրանց բավարարումը նախատեսող ծառայությունների վերաբերյալ):
- Լինեն **ներառական** (նկարագրեն հստակ գործընկերային հարաբերություններ մասնավոր հատվածի և/կամ պետական մարմինների ներկայացուցիչների հետ՝ ծառայությունների մատուցման/ֆինանսավորման մեջ նրանց ներգրավվածության պարտավորությամբ, համայնքի ներգրավվածությունը, գեներային հավասարությունը և սոցիալական ներառումը):
- Ներառեն **իրագործելիության պլան**՝ ենթադրամաշնորհային ծրագրի ավարտից հետո առաջարկվող սոցիալական ծառայությունների կայունությունն ապահովելու համար:
- Լինեն **ծախսարդյունավետ** և ունենան իրատեսական բյուջե (Value for Money)՝ բյուջեի մանրամասն բացվածքով և գրավոր պարզաբանմամբ:
- Հետևել սոցիալական ոլորտում տրամադրվող ծառայությունների մատուցման **գործող իրավական ակտերին և համապատասխան չափորոշիչներին** (տես վերևում): Այն պարագայում, որտեղ առկա չեն ուղղորդող փաստաթղթեր (վերաբերվում է սոցիալական ոլորտում նոր ծառայություններին), ապա ծրագրերի մեթոդաբանությունը իրականացման նախնական փուլում (4-6 շաբաթ) պետք է համաձայնեցնել ոլորտի դերակատարների/փորձագետների հետ:

5. Դիմելու կարգը

Ներկայացնել հայերեն լրացված դիմում-հայտը:

Դիմում-հայտի փաթեթը բաղկացած է.

Հավելված 1 – Հայտածև

Հավելված 2 - Բյուջեի ձեւաչափ

Հավելված 3 - Համայնքի ավագանու որոշման նախագծի սմուշ-օրինակ, եթե ընտրվել է համապատասխան ֆինանսական կայունության մեխանիզմը:

Կցել նաեւ Սոցիալական Հանձնաժողովի կողմից տրված տեղեկանք-հավաստումը, ծրագրային թիմում ներգրավված աշխատակազմի ինքնակենսագրականները:

Փաթեթում առկա են նշված բոլոր հավելվածների նմուշները, ինչպես նաև ենթադրամաշնորհային պայմանագրի ձեւաչափը:

Լրացված փաստաթղթերը պետք է ներկայացվեն մինչև **2025 թ. մարտի 16-ը՝ ժամը 23:59-ը՝ grantsarmenia@peopleinneed.net** էլեկտրոնային հասցեով:

Հայտերի վերաբերյալ հարցերը գրավոր տեսքով կարող են ուղարկվել մինչև **2025 թ. մարտի 10-ը՝ ժամը 18:00-ն՝ grantsarmenia@peopleinneed.net** էլեկտրոնային հասցեով:

Ենթադրամաշնորհի վերաբերյալ տեղեկատվական հանդիպումները տեղի կունենան Microsoft Teams հարթակի միջոցով՝ ստորեւ ներկայացված օրերին եւ հղումներով.

- **Ս.թ. մարտի 5, ժամը՝ 16:00, հղումը՝**

[Join the meeting now](#)

Meeting ID: 322 992 939 838

Passcode: nB6nY3Aw

- **Ս. թ. մարտի 11, ժամը 11:00, հղումը՝**

[Join the meeting now](#)

Meeting ID: 397 042 881 172

Passcode: gR9FN2YS

Վերջնաժամկետից հետո ներկայացված հայտերը չեն ընդունվելու:

Ենթադրամաշնորհային ծրագրի հայտերի գնահատման և ընտրության գործընթացի կամ «Մարդը կարիքի մեջ» ՀԿ-ի կողմից իրականացվող ծրագրերի հետ կապված ցանկացած առաջարկ կամ բողոք կարող եք ներկայացնել «Մարդը կարիքի մեջ» ՀԿ-ի հայաստանյան գրասենյակին՝ crm.armenia@peopleinneed.net էլեկտրոնային հասցեով, կամ կարող եք զանգահարել հետևյալ հեռախոսահամարով՝ +374 93 68 88 70: